

Sèm predators

dins la seguida de « Lei Plaçats »

(Sus l'èr de *Sèm montanhòls*)

Sèm predators aimam la rapinada,
La practicam amb art e amb mestièr,
Mousèm totas las vacas,
Fa gonflar lo burrièr.

Sèm passats mèstres dins l'art de la flatinga
Per enjaular vacas, cabras e fedam,
Li tiram sa lachada
E puèi los ignoram.

Nòstre sol art es l'art de la chucada,
Chucar d'aicí e de totes costats,
Diguèm puèi amb ronflada
Qu'avèm tot inventat.

Fasèm plegar çò que nos fa de l'ombra,
Autres que nos degun deu existir,
Li rabaissam son òbra,
Mas li raubam tot sul pic.

Sabèm fringar ambe la politica,
E flatejar qual nos pòt ajudar,
Pilhatrònc, raubaidèas,
Mas totjorn finançats.

Sèm predators e mai avèm lo fetge
Que melicoses sabèm presentar,
Doble jòc, dobla dicha,
L'art de moninejar.

Sèm predators aimam la rapinada,
La practicam amb art e amb mestièr,
Mousèm totas las vacas,
Fa gonflar lo burrièr.